



Olgoštemlävdikodde

Olgoštemplävdikodde puáhtá kiellid olgoštem, mii vuáđuduvá etnisii algápuátimán

Olgoštemplävdikoddeest láá saavâjodetteijee já kuttâ eres jeessân sehe sii persovnlíih värijesâneh. Lävdkoddeest lii váldutoimälâš oovdânpyehtee já čällee. Lävdkode saavâjodetteijee já jesâneh láá uálgitoimâliih luáttamušulmuuh.



Olgoštemplävdikodde lii staatâräädi asättem jiečânâš já jiešrádálâš laavâkevttimorgan, mii kocá oovtviärdásâšvuodâlaavâ nuávdittem. Ton pargon lii adelid vuoigâdvuodâsyeje toid, kiäh láá vuáttám, et sij láá olgoštem etnisii tuávváázis keezild.

Lävdkode saavâjodetteijee já jesâniij toimâpaje lii nelji ive.

Olgoštemplävdikode saavâjodetteijee, ucemustáá kullmâ jeessân já sii värijesâneh sehe čällee kalgeh leđe tuámár viirgân tohâliih. Lasseen olgoštemplävdikode jesâneh já sii värijesâneh sehe oovdânpyehtee kalgeh leđe uápásmâm lävdkode toimâsuárgán.

Olgoštemplävdikode kyeskee asättâsah kávnovej oovtviärdásâšvuodâlaavâst (2004/21), já ucceblohováldáliist já olgoštemplävdikoddeest adelum laavâst (2001/660 já 2004/22) sehe staatâräädi asättâsâst ääši kieđâvušmist olgoštemplävdikoddeest (2004/117).

Olgoštemplävdikodde addel vuoigâdvuodâlávtt kenigittee kiäldumiärdâsâsâid olgoštemaasijn.

Olgoštemplävdikodde puáhtá adelid eres ko pargoelimán lohtâseijee aasijn etnisii olgoštem kyeskee kiäldumiärdâš já asättid uhkesááhu kiäldumiärdâš pehtilitimán sehe tuommid jieijâš asättem uhkesááhu máksimnáál. Ton miärdâssâid puáhtá uuccâđ nubâstus haldättâsrievtist.

Olgoštemplävdikodde puáhtá nanodid uásipeelij koskâsii soovâđ.

Olgoštemplävdikodde puáhtá adelid čiálkkámušâid oovtviärdâsâšvuodâlaavâ heivtmist tuámustoovli, ucceblohováldálii tai eres virgeomâháá tai seervi pivdemist etnisii olgoštem kyeskee ääšist.

Olgoštemplävdikoddeest lii vuoigâdvuotâ kuullâđ äššitobdeid, haahâđ čiálkkámušâid já čielgiättâsâsâid sehe ornid kejjâmâsâid.

Ucâmuš toohâm olgoštemlâvdikoodân

Ääši puáhtá tuálvud olgoštemlâvdikode kiedâvuššámnaál tot, kiäs olgošteijee lattiimân nobdum toimâ čuácá.

Meid ucceeblohovâldâlâš puáhtá pieijâd ääši joton olgoštemlâvdikoddeest. Äšši piäjoo joton kirjâlijn tâi šledgâlijn ucâmuššâin.

Ucâmuš puáhtá toohâđ suomâ-, ruotâ-, sämi- tâi engâlâskielân.

Olgoštem tubdâm olmooš kalga oovdânpyehtid taggaar konkreetlâš čáittus, mon vuáđuld puáhtá nabdeđ, et sun lii šoddâm olgoštem čuásáttâhhân.

Ucâmušâst kolgâččii čielgâđ aainâs taah ääših:

- Occee nommâ já ohtâvuodâtiäđuh
- Västideijee nommâ já ohtâvuodâtiäđuh
- Čielgiittâs nobdum olgooštmist
- Máhduliih tuodâšteijei muštâlusah tábâhtum ääšist
- Moin aggáin occee uáiná, et nobdum olgoštem lii tábâhtum occee etnisii tuávváá keežild

Ääši kiedâvušmist heiviittuvvoo oovtviárdásâšvuodâlaavâ 17 § miäldásâš tuodâstusnuádinjuolgâdus: Jis occee oovdânpuáhtá čielgiittâs, mon vuáđuld puáhtá nabdeđ, et oovtviárdásâšvuodâlaavâ 6 §:st asâttum olgoštemkiäldu lii rikkojum, kalga västideijee čáittid, et kiäldu ij lah rikkojum.

Olgoštemlâvdikode kiedâvuššâmprooses lii kirjâlâš.

Olgoštemlâvdikodde puáhtá ornid meid njálmálii kiedâvuššâm tâi kejâlmâs, jis tot lii ääši čielgiimân tárbulâš.

Ääši kiedâvuššâm olgoštemlâvdikoddeest lii nuuvtá.

Ucâmuš vuolgâttuvvoo olgoštemlâvdikode čujottâsân:

SYRJINTÄLAUTAKUNTA
PL 26
00023 Valtioneuvosto

Šledgâpostâ:
syrjintalautakunta@intermin.fi

Ovdâmeerhah olgoštemlâvdikode kiäldám olgooštminist

- Raavvâdviäsun peessâm lâi estum etnisii tuávváá keežild
- Vuáduškoovlá luokkajuáhu lâi toohum párnáá enámânvarrejeijeetuávváá vuáduld, veikká párnái kielátááidu tääsi ij testajum ääšimiäldásávt
- Kieldá sosiaal- já tiervâsvuodâtoimâ toimâm lii lamas̄ enámânvarrejeijeetuávváslâš eejj kuáttá munejuurdâlâš já olgošteijee
- Táhádâsfinnoduv keevâtlâlâšvuotâ olgoennâm aalmugjeessân kuáttá miedeettijn puácukolotáhádâs lâi koskâlâvt olgošteijee, ko táhádâsfinnoduv kevttim vyevih iä lamas̄ ääšimiäldásiih já tárbulliuh, tastko finnoduv tarbâšem tiäduid lâi pyehtid finnid oovtviärdásâšvuodâ kohtâlem tááhust pyerebeht tuhhiittettee vuovvijn
- Kieldá ij faallâm aassâmviäsuttes oceid aassâmviäsuid, moh lijji kieldâst rijjá, sii etnisii tuávváá keežild
- Pivtâskäävpi palvâlusái faallâm lii lamas̄ tiätu etnisii juávkun kullee äššigâšái uásild olgošteijee
- Kieldá kiddodâhfinnodâh lâi vaattâm tiätu etnisii juávkun kullee aassâmviäsu ocein tagarijd sierânâsiävtuid, maid tot ij vaattâm vâlduaalmugân kullee aassâmviäsu ocein
- Kaavpug ij čáittám, et tot ličij riemmâm kelijdejee toimáid lahâaasâtlij kenigâsvuodâidis tevdimân sâmpárnái peivikiäju orniimân ääšimiäldásávt, veikká täin lâi laavâst asâttum vuoigâdvuotâ peivitiipšon jieijâs eenikielân siämmáanáal suomâkielâlij párnáiguin
- Sâmikuávlun kullee kieldá ij lamas̄ čáittám, et tot ličij riemmâm kelijdejee toimáid sâmikielâlij tiervâsvuodâ- já puárásijpalvâlusái sehe vuádu máttáttâs orniimân ääšimiäldásávt sâmikielâlâš aalmugân
- Kaavpug já ton kiddodâhfinnodâh lán romanituávváslâš ässei ässeevaljiimist nuávdittâm taggaar lattim, mast páihálii romanikontaktulmuu pehti lâi čielgejum, tuhhit-uv páihâlâš romanisiärvádâh aassâmviäsuoccen almottâttâm ulmuu varrim päikkikoodán já puovtij-uv sunjin faallâd tiätu aassâmviäsu

Olgoštemlâvdikode miäradâsah láá almostittum lâvdikode internetsiijđoin:
www.syrjintalautakunta.fi

Syrjintalautakunta, PL 26, 00023 Valtioneuvosto
šleđgâpostâ:
syrjintalautakunta@intermin.fi
Internet:
<http://www.syrjintalautakunta.fi>